



Sua. Excia Presidente Taur Matan Ruak asina palaka inaugurasan Centru Komunitariu iha Aldeia Thcailoro-Tutuala

PNDS

Hamutuk ita
dezenvelope nasaun

Janeiru 2015

Prezidente RDTL Elojiu Programa PNDS

Sentimentu elojiu ba implementasaun programa PNDS nee, presidente da república deklar ba hira hala'o diálogo ho comunidade no inagura projetu Konstrusaun Sentru Komunitariu Multi Propóztu iha Aldeia Tchailoro Sub-Distritu Tutuala, Distritu Lautem (30/01/2015)

"Hau kontente no gosta programa governu liu-liu ba programa PNDS ne'ebé fó fiar tomak ba comunidade atu jere no implementa projetu ki'ik hirak ne'ebé bele fó benefísiu direita ba sira iha area rural", ható'o husi Sr. Taur Matan Ruak, Prezidente RDTL.

Sekretáriu Estado Dezenvolvimentu Lokál (SEDL), Samuel Mendonça ne'ebé partisipa iha inaugurasan projetu programa PNDS ne'e, iha ninia intervensaun enkoraja lider komunitariu sira ninia kontribuisaun oinsá atu organiza comunidade hotu atu bele partisipa iha implementasaun programa PNDS iha suku no aldeia, atu nune'e bele fó susesu ba dezenvolvimentu iha nivel komunitaria.

"Programa PNDS, programa nasonal governu Timor Leste ninia ne'ebé implementa iha territóriu Timor Leste, tanba nee prezisa tebes kontribuisaun husi lideransa lokál sira oinsá atu enkoraja comunidade hodi partisipa no bele fo susesu dezenvolvimentu iha Suku laran", ható'o husi SEDL, Samuel Mendonça.

Iha parte seluk autoridade lokál nomós lider komunitaria, hanesan Chefe Suku Tutuala, Antonio da Fonseca argumenta razaun fundamentál hodi konvida no husu disponibilidade Sua.Ex.Cia Presidente da República hodi inagura projetu konstrusaun nee, tanba atu hatudu ba Estado no Governu katak comunidade mós iha kapasidade atu implementa rasik Dezenvolvimentu iha sira nia suku laran ho subsidiu ne'ebé mai husi governu liu husi implementasaun programa PNDS.

Programa PNDS hanesan programa komunitariu ne'ebé fó oportunidade tomak ba comunidade sira atu identifika sira nia difikuldade dezenvolvimentu ne'ebé sira enfrenta, no iha implementasaun programa ida ne'e comunidade sira mak iha responsabilidade atu jere programa, halo planu, implementa no halo manutensaun ba tempu ne'ebé naruk.



Progresu

Pilotu: Remata ona

Faze 1: Etapa 11 / 12

- Kompleta konstrusaun, no entrega ba ekipa operasaun no manutensaun
- Enkontru Akontabilidade Final

Faze 2: Etapa 9 / 10

- Certifika, halao enkontru akontabilidade & Transferencia final 50% fundus infraestrutura.
- Transfere primeiru prestasaun hosi fundus infra-estrutura (50%), no hahú konstrusaun

Faze 3: Etapa 4/5

- Treinamentu ba ekipa jestaun suku no fasilitadór suku sira.

Faze 1 Siklu 2: Etapa 2/4

- Sosializasaun Suku, Aldeia no Forma EJS




Antes nee Sua. Excia Presidente da República, Taur Matan Ruak, inagura Centru Komunitariu iha Suku Maluru sub Distritu Quelicai, Distrito Baucau.




Prioridade sira


Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk



Ponte Fasilita mos Estudante sira iha Tempu Udan



Konstrusaun Ponte Implementa liu husi serbisu hamutuk komunidade

Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

Refreshing Training ba Kontabilista Nasionál PNDS no FST

Refreshing Training kona-ba oinsá atu organiza relatóriu finansas ho di'ak ba kontabilista nasionál PNDS no ekipa apoiu terrenu ka Field Support Team (Joao Paulo Segundo, 12/01/2015). Treinamentu nee sei hala'o durante loron lima, hodi bele kapasita koineshemento kontabilista nasionál PNDS no FST iha kestaun kontabilidade liu-liu oinsá halo arkivu finansas (pembukuan) nomós halo relatóriu finansas.

Diretora Jestaun Operasional Programa PNDS, Dulce Guterres junior, ne'ebé hala'o abertura ba treinamentu ne'e, husu ba partisipante sira atu bele aproveita didi'ak oportunidade nee hodi bele aumenta koineshemento kona-ba kestaun kontabilidade no finansas.

Entretantu tuir asesóra ba finansas PNDS, Erna Suryani ne'ebé fasilita treinamentu ne'e, hatete katak objetivu husi treinamentu ida ne'e mak atu bele kapasita di'ak liután koineshemento kontabilista nasionál PNDS no FST sira iha kestaun finansas atu nune'e bele fasilita komunidade sira di'ak liu tan, iha treinamentu ne'e mós bele fahe esperiensi ba malu kona-ba kestaun oinsá organiza relatóriu finansas ho di'ak.

Tuir Erna Suryani katak kestaun arkivu finansas (pembukuan) no relatóriu finansas sai hanesan xave importante atu bele hetan relatóriu ne'ebé justu, karik relatóriu gastus la los maka relatóriu ne'ebé halo konsidera hanesan lixu, maibé bainhira kestaun hirak nee alista ka hakerek ho di'ak tuir gastus ne'ebé iha mak sei bele fasilita relatóriu ho di'ak no justu.



Erna Suryani, hanesan asesoria ba finansas PNDS fasilita hela treianmentu



Kontabilista Nasionál PNDS ho FST sira iha seriedade tuir treinamentu

Ponte Be'eali Fasilita Komunidade ba halo Negósiu iha Merkadu

Anastasio Lemos Soares, hanesan komunidade, hatete katak: "Konstrusaun ponte ida ne'e sai hanesan prioridade as liu iha Suku Hatolia, tanba bele fasilita sirkulasaun komunidade sira ba halo negósiu iha merkadu".

Funsaun husi ponte ida ne'e laos deit atu fasilita transporte públiku, maibé fasilita mós estudante sira ba eskola iha Hatolia Vila. "Ponte ida ne'e fasilita mós estudante sira ba eskola, tanba iha tempu udan hanesan ne'e fatin ida ne'e mota bot tebes los", hato'o husi Anastasio Lemos Soares.

Iha implementasaun, komunidade Suku Hatolia orgullu tebes ho programa PNDS no sira hatudu duni sira nia partisipasaun ne'ebé involve ema hotu tantu ferik-katuas, juventude feto-mane inklui mós ita nia maluk sira ho deficiente liu-liu iha parte servisu ba konstrusaun ponte ne'ebé sira defini sai hanesan prioridade.

"Hanesan ema ho deficiente, ha'u nia papél iha konstrusaun ne'e mak ajuda lalin sasán ba badain sira tuir forsa ne'ebé iha", Filomino Salsinha, hanesan juventude. Orsamentu ba konstrusaun ponte ida ne'e nia montante \$38,572,- no komunidade ne'ebé hetan benefísiu husi konstrusaun ponte ida ne'e laos deit komunidade husi Suku Hatolia deit maibé Suku viziñu hanesan Leimea Sorin Balu, Koliati Leten, Leimea Kraik no iha possibilidade bo'ot komunidade husi Sub-Distritu Letefoho mós sei hetan asesu husi konstrusaun ida ne'e.

Orgullu tebes ho involvimentu komunidade iha suku ida ne'e liu-liu iha implementasaun programa PNDS iha sira nia Suku, no komunidade ida ne'e hatudu duni sira nia kapasidade katak mesmu ho subsídiu suku PNDS ne'ebé ki'ik sira konsege rezolve duni sa ida mak sai hanesan dezafia dezenvolvimentu iha suku ida ne'e, no fiar katak iha futuru mai suku ida ne'e sei dezenvolve di'ak liu tan ho programa PNDS.

Programa PNDS laos rezolve deit infraestrutura báziku ne'ebé komunidade hakarak, maibé iha programa ida ne'e fo mós kapasitasaun ba komunidade oin sá sira bele idéntifika rasik problema dezenvolvimentu ne'ebé komunidade enfrenta no ikus mai komunidade rasik mak implementa no sira rasik mak sei sai nain ba konstrusaun ne'ebe sira konstrui.